

Bashkëpunimi i kopshtit (parashkollor) me familjen

Informohem
rreth arsimit

Bashkëpunimi i kopshtit me familjen kontribuon në arsimimin më rezultativ të fëmijës. Është shumë e rëndësishme për fëmijën të shikojë dhe të ndjejë se shkolla dhe shtëpia kanë marrëdhënie harmonike. Në këtë mënyrë ndihet më i sigurtë, gjë e cila jep rezultate më të mira në zhvillimin e tij. Prindërit janë personat më të rëndësishëm në jetën e një fëmije, prandaj dhe pjesëmarrja e tyre në procedurën mësimore të fëmijës është e domosdoshme.

Si mund të mësoj për ecurinë e fëmijës sim në kopsht (parashkollor)?

Ekzistojnë disa mënyra si mund të informoheni nga edukatorja apo mësuesi/ja për përparimin e fëmijës suaj si dhe për programin që ndjek kopshti, p.sh.:

- Mbledhjet periodike të prindërve në ambientin e kopshtit, ku bashkëbisedohen tema rreth funksionit dhe programit të kopshtit.
- Konsultime të shkurtra të përditshme me edukatoren/in, kur prindërit sjellin ose marrin fëmijët e tyre nga kopshti.
- Takime të posaçme individuale të prindërve me edukatorin/en, ku u jepet mundësia të bisedojnë sëbashku çështje që kanë të bëjnë me fëmijën e tyre. Në rast se prindërit nuk flasin greqisht, mund të sjellin një të afërm të tyre i cili/e cila do të ndihmojë në përkthim. Është zgjidhja më e mirë pasi shmanget përdorimi i fëmijës si përkthyes.
- Kontakte telefonike me edukatoren/in në telefonin e kopshtit, kur ekziston ndonjë arsye konkrete.
- Takime informuese me specialistë në fushën e arsimit parashkollor, në të cilat bisedohen temat që u interesojnë prindërve.

Përveç rasteve që përmendëm më lart, sigurisht, keni gjithmonë mundësinë të bisedoni me mësuesin/en, për çdo nevojë urgjente.



Si mund të marr pjesë në aktivitetet e kopshtit?

Bashkëpunimi midis kopshtit dhe familjes ka shumë dobi për fëmijët. Më e rëndësishmja është se krijon një vijim për gjithçka ndodh midis dy ambienteve ku jeton, vepron dhe mëson çdo ditë fëmija.

Gjatë vitit shkollor fëmijët kanë nevojë për ndihmën tuaj. Për shembull, mund të sillni në kopsht disa objekte, libra ose informacione nga shtëpia, që kanë të bëjnë me tema që u interesojnë fëmijëve dhe me të cilat merren atë periudhë në shkollë. Gjithashtu, në bashkëpunim me mësuesin/en, mund të merrni pjesë në disa veprimtari të kopshtit, të ndihmoni në një aktivitet ose të ofroni dijet dhe eksperiencat tuaja rreth çështjeve të ndryshme, etj.

Çfarë mund të bëj që të ndihmoj fëmijën tim në shtëpi?

Është e rëndësishme që përpjekja që bëhet në kopsht të përkrahet dhe të fuqizohet nga shtëpia. Loja është mënyra më fuqishme dhe më rezultative e të mësuarit për fëmijën e cila e ndihmon të njohë më mirë botën rreth tij. Është themelore, të keni gjithmonë parasysh nevojën e fëmijës për lojë dhe të përdorni raste që e fuqizojnë atë. Mirë është të krijoni vend dhe të lini kohë për lojë, të luani bashkë me fëmijën tuaj, ta sillni në kontakt me moshatarë, etj. Sidomos kontakti dhe loja me fëmijë të tjerë ndihmon në socializimin e tij sepse mëson të ndajë, të dëgjojë dhe të respektojë nevojat e të tjerëve. Gjithashtu mund të shfrytëzoni momente të përditshme që të përfshini fëmijët në aktivitete zbavitëse, por dhe mësimdhënëse, si: gatimi dhe blerja në super market, ku fëmija vjen në kontakt me shkronjat, numrat dhe informacionet sociale të nevojshme. (Shih fletëpalosjen «Nga shkolla në shtëpi»).



Enti zbatues

POLIDHROMOS: Grupi dhe Botimi periodik për Dygjuhësinë dhe Shumëkulturën në Arsimit dhe në Shoqëri



www.polydromo.gr
polydromo@polydromo.gr

Autore teksti

Koralia Agapitu, Athina Goci, Marianthi Kalafati, Fotini Kostudhi,
mësuese të arsimit fillor.

Aleksandra Andhrusu, Pedagoge Asistente e Metodologjisë
Didaktike, Departamenti i Arsimit dhe i Edukimit në Moshën
Parashkollore.

Koordinatorë të programit

Birbili Maria – Cokalidhu Rula

Departamenti i Shkencave të Edukimit dhe të Arsimit Parashkollor,
Universiteti Aristoteli Selanik

Email: mmpirmpi@nured.auth.gr
tsokalid@nured.auth.gr

Website: www.polydromo.gr/dialogos

Përkthyes: Valbona Hystuna / Përpunuan tekstin: Evi Marku

Me mbështetjen e

